



Infurmaziuns dalla suprastanza communal digl cumegn Albula/Alvra:

November / december 2019

- La suprastanza ò approvo diversas dumondas da biagier.
- La suprastanza communal è neida infurmada davart igl stadi dalla tecnica aint igls singuls indrezs digl provedimaint d'ava. Las componentas, scu post d'observaziun digl menaschi, regulaziun ed infrastruttura da transmissiun, armaturas e tecnica da misirar, correspondan betg ple agl stadi dalla tecnica. Per la renovaziun parziala dalla regulaziun digl provedimaint d'ava, ò la suprastanza delibero en credit brut da CHF 290'000.00 (incl. TPV) per mangs dalla radunanza communal.
- Igl preventiv digl consorzi dall'ARA Casti ed igl preventiv 2020 dall'uniun d'interess ARA Alvra èn nias approvos e deliberos dalla suprastanza.
- Las tractandas ed igl messadi per la radunanza communal digls 12 da december 2019 èn neidas fixadas resp. examinadas e deliberadas. Igl pe da taglia 2020 duess neir laschea venavant sen 100 % dalla taglia cantunala simpla e la quota per la vendita or da surbiageidas cumplexivas (LAIE/BewG) sen 100 %.
- La suprastanza ò decidia davart l'elecziun substitutiva digl commember extern dalla cumischung da biagier. An pe da Daniel Ardüser, Alvagni vischnanca, vign Sandra Farrér, Stierva, a far part dalla cumischung da biagier a parteir digl 1. da schaner 2020.
- Igl preschentants dall'uniun Parc Ela on infurmo la suprastanza davart igl project «TGESA Parc Ela» segl areal dalla staziun. La suprastanza sustigna igl svilup planiso digl areal dalla staziun a Casti.
- Igl preventiv 2020 dalla gestiun forestala e d'ovras è nia approvo e delibero.
- La suprastanza ò consantia alla convagnientscha da prestaziun 2020-2024 sottomessa digl uffezi da gôt e prieveles dalla nateira.
- Per exequeir igl schinumno «Gravel Enduro Rennen» (bike) segl territori dalla Arena da biatlon Lai, digls 26 anfignen igls 28 da zarcladour 2020, ò la suprastanza concedia ena contribuziun da CHF 5'000.00. Dasper la cursa, tgi vign manada tras exclusivamaintg sen quatter sectours dall'antiera tura, vogl er per en schinumno Gravel Bike tras la cuntrada spectaculara dalla Val Alvra e Lai, la culinaria, concerts live u igl campar sen la campagna.
- Per l'elaboraziun d'en concept da rusment verd, ò la suprastanza lubia en credit an import da CHF 6'200.00.

- La suprastanza intenziunescha da lascher elaborar en preproject per la furmaziun futura digls santieris. An chel connex è nia concedia en credit da CHF 5'400.00.
- Igls rendachints 2018/2019 digl consorzi da scola Val Alvra dafora, digl consorzi da scola Belfort davains e digl consorzi da scola scalem superiour Val Alvra èn nias examinoss ed approvoss.
- La cunvignientscha da prestaziun 2020 per la lavour da giuventetna averta Val Alvra, è neida approvada e deliberada.
- An connex cugl sarvetsch da preavertimaint Brienz/Brinzauls 2019 – 2024 èn neidas surdadas diversass incumbensas aint igl rom digls credits lubias. L'antiera somma dallas surdadas monta CHF 763'815.90.
- La suprastanza communalà è deliberò en credit da CHF 28'000.00 per la sanaziun digls tumbigns d'ovras electricas segl territori communal. Las lavours vignan exequeidas dalla firma Mettler Prader SA, Cunter.
- La suprastanza è approvo l'aggiunta II davart igl contract da dretg da construcziun an connex cugl implant da sagettar regional a Crappa Naira. L'expansiun da lez taimp resp. l'adattaziun digl areal da dretg da construcziun, è betg anc neida proponeida ed inscretga aint igl register funsil anfignen igl de dad oz.
- Implant da sagettar Crappa Naira: Igl contract davart l'admissiun ainten ena societad simpla cuntigna igl sacumprar ainten l'infrastructura existenta digls cumegnss politics da Lantsch/Lenz e Vaz/Obervaz. La suprastanza è approvo igl contract.

Infurmaziuns dalla radunanza communalà digls 12 da december 2019

- Igls votants on approvo en credit brut da CHF 290'000.00 per la renovaziun parziala dalla regulaziun digl provedimaint d'ava. An pe da schliaziuns insularas decentralas ainten mintga fracziun, vign en sistem da server central a surpiglier la regulaziun e la survegliaziun superioura.
- Igl preventiv 2020 digl cumegn Albula/Alvra è nia approvo digls votants. Igl chint economic sera giu cun expensas totalas da CHF 14'474'900.00 ed antradas totalas da CHF 14'552'800.00 cun en surple d'antradas da CHF 77'900.00. Cuntigneidas liaint èn amortisaziuns tar la facultad administrativa da CHF 990'000.00 ed apports an fondos/finanziaziuns spezialas da CHF 318'300.00. Chegl dat en'atgna finanziaziun da CHF 749'600.00. Las investiziuns bruttas montan CHF 4'725'000.00 e las investiziuns nettas CHF 2'890'000.00.
- La radunanza communalà è decidia da lascher igl pe da taglia 2020 sen 100 % dalla taglia cantunala simpla.
- An connex cun la lescha federala davart igl acquist da bagnss immobigliars tras persungas agl exterior (LAIE) on igls votants decidia da lascher la quota per la vendita or da surbiageidas cumplessivas sen 100 %.

La suprastanza communalà